

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۲

سیاسیات

پارس و برلین معاہدہ لرینک حق الفاسی

مترینک تالہ برانلہ قارشیلانشدینی ویانہ مؤتمرندن بری ، آوروپا سیاستندہ مؤثر یکانہ اولان شرق مسئلہ سنک ، منظومات دولیہ تشکلاتنہ وارنجہیہ قدر اساس اولدیغنی تاریخ سیاسی متعارفہ حالہ کتیرمشدیر : دونکی اتفاق مثلثہ بوکونکی ائتلافک اصلی ، دوغروندن دوغرویہ (۹۲) میدان حربنک کونلرندن ظہورایتمشدی . برلین اجتماعندہ تبلر ایدن منافع متبارزہ ، یکدیگریہ دشمن ایکی ہیئت تولید ایتک صورتیہ ، شرق مسئلہ سنہ ابتنا ایدن برغرب مسئلہ سی وجودہ کتیریوردی ! بوصورتلہ ، حکومتتمزمشکل برانزوایہ محکوم اولمشدی : اوزماندن بری آوروپا ایلہ ، تک باشنہ ، قارشى قارشى بہ قالمش ، و آنجق طرفینک اختلافی اوزرینہ تأمین سیاست ایدہ بیلیمشدی !

مملکتینک ایلک خیاتی سایہ سندنہ آیاستفانوسہ قدر کلوب سعد اللہ پاشایہ مطالبنی تقریر ایدن موسقوفک درت آی دوام ایدہ بیلن موفقیتی ، انکلترونک ضربہ رقابتہ اوغمرادقندن صوکرہ ، بالقانلردہ یاپیلان تعدیلات ، برلین فونفرہ سندن دوغمش برآوروپا لطف کارانی طرزندہ قارشیلانمشدی : فی الحقیقہ مملکتین ایلہ صربیہ وقرہ طاغک استقلالی ، و [بولغارستان] عنوان ظاہر بیلہ روم ایلی بی ایکی بہ تقسیم ایدوب ، چارک تحکمی آلتندہ ، آزاد اولورکن اسیراولان برحکومت غیرملیہ نک تشکلی ، آوروپادہ صوک بالقان محاربہ سنہ قدر دوام ایدہ بیلن وضعیت ملکیتہ مزلہ یلک نظرده قابل قیاس اولاماز . آیاستفانوس معاہدہ نامہ سی آووچمزدہ سلاتیک شبہ جزیرہ سیلہ برلین مقرراتندن اوج سنہ صوکرہ یونانہ الحاق ایدیلن تسالیایی ، اپیری ، آرنائودلق و بوسنہ - ہرسلکی برافدیغنی حالہ ، بولغارستان نامنہ آلدیغنی اراضیہ مملکتی نقطہ اتصالی اولمایان ایکی پارچہ یہ افراغ ایدیوردی : برلین مؤتمریسہ ، موسقوفلرک پک عجیبی برآللہ چیزدیکی بوجغرافیہ مسودہ سنی تصحیح ایدرک بزہ یکبارہ برروم ایلی برانمشدی . . فقط غورچاقوفک آلدیغنی بوخریطہ درسندن ، ترکیہ ، مساحہ اعتباریلہ دکل ، سادہ شکل اعتباریلہ براستفادہ ارضیہ تأمین بدہ بیلدیکی حالہ ، سیاسی ومعنوی هیچ برفائدہ قازانامامشدی . بوتصحیح اک زیادہ

بر هفته لقی تاریخ حرب

بو هفته مختلف دارا الحركه كاتلرده نسبة سكون حكم فرمادر. صوم واديسنده فرانسز وانكيزلرك آيلردن برى دوام ايدن تعرضلى غايت بطى بر صورتده دوام ايلكده در. بوتعرض همان قيريلش كيدر. صوم تعرضى المانلرك متين سپرلى، قهرمانانه مدافعهلى قارشيسنده غايت عظيم تلفاتى موجب اولمشدر. بناء عليه بوتعرض ده دشمنى تلفات كليه دوچارايتك، دشمنك جسم قوتلرىنى آيلرجه اشغال ايلك نقطه نظرندن متفقر يمزك موفقيتيله نهايت بولش ديمكدر. چونكه آيلرجه دوام ايدن خونريزانه تعرضلى نتيجه سنده فرانسز وانكيزلر اردولرينك قازاندقلى اراضى آنحق برقاچ كيلو متره دن عبارتدر. متفقر يمزى فرانس طوپراغندن دكل چيقارمق. حتى اوزاق برمسافه كرى به سورمك بيله فرانسزله ميسر اولاماشدر. بوندن صوكر اولاجنى ده احتمال خارجنده در. چونكه آيلرجه دوام ايدن حاضر لى آنحق بو نتيجه نى تايمين ايدم بيلمش اولدينى كى بوندن صوكر سوق ايديله جك قطعاتده ايلك صفلده محاربه ايدن عسكر ك قابليت و اوصات حربه سى بولونه ميه جنى شبهه سزدر.

شرق جبهه سنده برقاچ سنه لك مظفريات نهايت لهستانك اعلان استقلاليله نهايت بولمشدر. لهستان استقلالى تورك. المان و آوستريا و ماجار و بولغار اردولرينك ثمره مظفرياتيدر. توركلك عصر لردن برى لهستان استقلالى ايچون موسقوفلرله چارپشدقلى، طونه وويستول بويلرنده، اق صو و پروت ساحلر نده قانلر دوكدكلى نظر دفته آليرسه، بو استقلالك اك اسكى و تاريخى خادمى عثمانيلر اولدينى تظاهر ايدر. اوزمانلر تك باشلرينه لهستان استقلالى ايچون حرب ايدن عثمانيلر بوسفر ارازولرينه متفقريله برلكده نائل اولش بولونيورلر. روسلر بوجهه دن همان هيچ بر موفقيت احراز ايدممه مشلدر. فلدمارشال پرنس له ثوپولدو باويه ر اردوسنه قارشى روسلرك (استوخود) و (غودوزيشكى) طرفلرنده اجرا ايلدكلى طوپچى آتشارلى و بو آتشارله احضار ايديلن متوالى هجوملر هيچ برشى حاصل ايدممه مشدر. بالخاصه رومانيانك حربه داخل اولماسندن صوكر اوجهه ده روسلر جهتنده بر عطالت حكم فرما اولماسى سببى جالب دقتدر. روسلر رومانيا حربه كيرمزدن اول بوجهه دن متاديا تعرض ايلدكلى

حالاہ رومانیاك حربہ كرمہ سبلہ بطی و قیمت عسکریہ دن محروم ، عددینہ غیر صادق متفقرینك منہجی دہ كشدی عسکرلریلہ تلافی قیدینہ دوشمنلر ، قوتلرینك مهم قسمنی جنوبہ دوبریجہ دن سرعت برقیہ طونہ آغزلرینہ طوغرو ایلریلہ یں تورك، بولغار و آلمان قطعانك شدتلی هجوملرینہ قارشى قویمق ایچون افراز ایله مشلر کی کورونیور . بونیکلہ بربرار روسلر نہ درجہ سعی و غیرت ایدرلر سہ ایتسینلر رومانیاك احوال وضعیتى وخیمدر . حتی مارشال ہیندنبورغك دیدیکی کی حربك نتیجہ قطعہ سی شرقہ استحصال ایدیلہ جك وبونتیجہ ی دہ اك زیادہ رومانیاك اورتادن قالقماسی تسہیل ایلہ جکدر .

احوال و وضعیت کوستریور کہ دوبریجہ دن شمالہ طوغرو ایلریلہ یں شجیع قطعہ لریمز طونہ آغزلرینی الہ ایتدکن صوکر ا روسلرک مونیطورلری وسائر کمیلری ایچون طونہ مسدود بولوناجق ، بناء علیہ رومانیا اردوسی ایله بوجہتدن مداخلات کاملاً منقطع اولاجقدر . فالکنہایم اردوسنك ترانسیلوانیا کچیدلرندن جنوبہ طوغرو صارفماسی ایسہ رومانیا اردولرینی مختلف قسملرہ آیراجقدر . بومقصد تأمین ایدلکدن صوکر ا طویلی ومتفق قوتلرلہ دشمن اردوسنك مختلف قسملرینی آیری آیری تپہ لہ مک ممکن اولاییلہ جکدر . ایشتہ رومانیاہ قارشى احوال و وضعیت بومرکزده در . قافقاسیہ وعراق جہہ حربلرینہ کلنجہ ، قافقاسیہ جہہ سندہ عسکرلریمزك موفقیتلریلہ نتیجہ لہ ن کشف قولی محاربہ لری ، مرکزده دشمنك طاغیدلسی کی مهم موفقیتلر الہ ایدلمکده در .

دجلہ جہہ سندہ طویلمجز دائماً ابراز فعالیت ایلکده در . بوحوالیدہ اك مهم حرکات (فلاحیہ) جوارندہ جریان ایتکده در . صوكر آلمان تلغرفنامہ لرہ کورہ (فلاحیہ) موضعنك جنوبندہ مجاہدیتمز بردشمن سواری بلوکنی طاغیتمشلر ، دشمنك ایکی طابورذن مرکب پیادہ تقویہ قطعاتی مغلوبیتہ دوجار ایله مشلردر . دشمن بومحاربہ لر نتیجہ سندہ تلفات کلیہ یہ دوجار اولمشدر . بناء علیہ بو هفته نك وقایع عسکریہ سی دہ لہ الحمد متفقریمزك و شجیع قطعہ لریمزك لہ نہ در .